

এসএসসি ও সমমানের ফল প্রকাশ আজ

■ সমকাল প্রতিবেদক ■
চলতি বছরের এসএসসি ও সমমান পরীক্ষার ফল আজ রৌববার প্রকাশ করা হবে। সচিবালয়ে আজ দুপুর ১টায় সংবাদ সম্মেলন করে ফলের বিস্তারিত তুলে ধরবেন শিক্ষামন্ত্রী নুরুল ইসলাম নাহিদ। দুপুর ২টা থেকে পরীক্ষার্থীরা একাধিক মাধ্যমে ফল - জানতে পারবে। শিক্ষা প্রতিষ্ঠানের পৃষ্ঠা ১৫ : কলাম ৬

এসএসসি ও সমমানের ফল

[প্রথম পৃষ্ঠার পর]

নোটিশ বোর্ডের পাশাপাশি সব শিক্ষা বোর্ডের ওয়েবসাইট এবং যে কোনো মোবাইল অপারেটরের মাধ্যমে ফল জানা যাবে।

এর আগে আজ সকাল ১০টায় রেওয়াজ অনুযায়ী শিক্ষা বোর্ডের চেয়ারম্যান এবং মহাপাঠকের কর্মকর্তাদের নিয়ে গণভবনে গিয়ে প্রধানমন্ত্রী শেখ হাসিনার হাতে মাধ্যমিকের ফল তুলে দেবেন শিক্ষামন্ত্রী।

গত ১ ফেব্রুয়ারি থেকে শুরু হয়ে ২৫ ফেব্রুয়ারি পর্যন্ত এসএসসি ও সমমানের লিখিত পরীক্ষা অনুষ্ঠিত হয়। ২৬ ফেব্রুয়ারি থেকে ৪ মার্চ হয়েছে ব্যবহারিক পরীক্ষা। এবারের পরীক্ষায় ২০ লাখ ৩১ হাজার ৮৮৯ পরীক্ষার্থী অংশ নেয়। এবার ইন্টারনেটে বিভিন্ন বিষয়ের প্রশ্নপত্র ফাঁসের ঘটনায় দেশব্যাপী আলোচনা-সমালোচনার ঝড় ওঠে। গত বছর এসএসসি ও সমমানের পরীক্ষায় ৮০ দশমিক ৩৫ শতাংশ শিক্ষার্থী পাস করেছিল। তাদের মধ্যে জিপিএ-৫ পায় এক লাখ চার হাজার ৭৬১ জন।

মোবাইলে ফল জানতে : যে কোনো মোবাইল অপারেটর থেকে এসএমএস করে আজ এসএসসি ও সমমানের পরীক্ষার ফল জানা যাবে। SSC/DAKHIL লিখে স্পেস দিয়ে বোর্ডের নামের প্রথম তিন অক্ষর লিখে স্পেস দিয়ে রোল নম্বর লিখে স্পেস দিয়ে ২০১৮ লিখে ১৬২২২ নম্বরে এসএমএস পাঠিয়ে ফল জানা যাবে। এ ছাড়া শিক্ষা বোর্ডের ওয়েবসাইট <http://www.educationboardresult.gov.bd> থেকেও ফল জানা যাবে।

এই ওয়েবসাইট থেকে ফল ডাউনলোডও করা যাবে। বোর্ড থেকে ফলের কোনো কপি সরবরাহ করা হবে না। তবে বিশেষ প্রয়োজনে জেলা প্রশাসক ও উপজেলা নির্বাহী কর্মকর্তার দপ্তর থেকে ফলের প্রিন্টকপি সংগ্রহ করা যাবে বলে জানিয়েছে আন্তর্জাতিক শিক্ষা বোর্ড সমন্বয় সার্ব-ক্রমিটি।

ফল নিয়ে আপত্তি থাকলে : রাষ্ট্রায়ত্ত্ব মোবাইল অপারেটর টেলিটক থেকে আগামীকাল ৭ মে থেকে ১৩ মে পর্যন্ত এসএসসি ও সমমানের পরীক্ষার ফল পুনর্নিরীক্ষার আবেদন করা যাবে। ফল পুনর্নিরীক্ষণের আবেদন করতে RSC লিখে স্পেস দিয়ে বোর্ডের নামের প্রথম তিন অক্ষর লিখে স্পেস দিয়ে রোল নম্বর লিখে স্পেস দিয়ে বিষয় কোড লিখে ১৬২২২ নম্বরে পাঠাতে হবে। ফিরতি এসএমএসে ফি বাবদ কত টাকা কেটে নেওয়া হবে, তা জানিয়ে একটি পিন নম্বর (পার্সোনাল আইডেন্টিফিকেশন নম্বর) দেওয়া হবে।

আবেদনে সম্মত থাকলে RSC লিখে স্পেস দিয়ে YES লিখে স্পেস দিয়ে পিন নম্বর লিখে স্পেস দিয়ে যোগাযোগের জন্য একটি মোবাইল নম্বর লিখে ১৬২২২ নম্বরে এসএমএস পাঠাতে হবে। প্রতিটি বিষয় ও প্রতি পত্রের জন্য ১২৫ টাকা হারে চার্জ কাটা হবে। যেসব বিষয়ের দুটি পত্র (প্রথম ও দ্বিতীয় পত্র) রয়েছে যেসব বিষয়ের ফল পুনর্নিরীক্ষার আবেদন করলে দুটি পত্রের জন্য মোট ২৫০ টাকা ফি কাটা হবে। একই এসএমএসে একাধিক বিষয়ের আবেদন করা যাবে, এক্ষেত্রে বিষয় কোড পর্যায়ক্রমে 'কমা' দিয়ে লিখতে হবে।

ব্যানবেইস	
পরিচালকের কার্যালয়	
প্রাপ্তি নং.....	
তারিখ.....	
চীফ, পরিসংখ্যান বিভাগ	
চীফ, ডি.এল.পি বিভাগ	
সিস্টেম ম্যানেজার	
সিনিয়র সিস্টেম এনালিস্ট	
প্রশাসনিক কর্মকর্তা	
পি.এ.	
কার্যার্থে/আত্মার্থে	